

---

Saksnr: 2019/11-38  
Saksbehandlar: Petter Lem Gullestad

---

**Saksgang**

Utval	Utv.saksnr.	Møtedato
Valnemnda		08.06.2020
Fylkestinget		09.06.2020

**Søknad om midlertidig fritak - Bjørlo (V) - suppleringsval**

Forslag til innstilling

1. Alfred Bjørlo (V) vert innvilga midlertidig fritak frå sitt verv som medlem/nestleiar i hovudutval for kultur, idrett og integrering i tråd med søknad.
2. Som midlertidig 3. vara til fylkesutvalet, finansutvalet, planutvalet og fylkesvalstyret vert vald: Geir Kjell Andersland
3. Som midlertidig 3. vara til hovudutval for næring, naturressursar og innovasjon vert vald: Åsta Årøen
4. Som midlertidig 3. vara til hovudutval for kultur, idrett og integrering vert vald: Torstein Tvinnereim

Samandrag

Alfred Bjørlo (V) har søkt om midlertidig fritak frå sitt verv som medlem/nestleiar i hovudutval for kultur, idrett og integrering. Bjørlo har rykka opp som fast møtande medlem i fleire folkevalde organ i Gunhild Berge Stang sin fritaksperiode. Bjørlo grunngjev sin søknad med hans samla arbeidsbelastning med folkevalde verv i kommune og fylke. Bjørlo ber om midlertidig fritak så lenge Berge Stang er statssekretær/har midlertidig fritak.

Bjørlo har på vegner av Venstre foreslått nye varamedlemer til fleire folkevalde organ, som følgje fritakssøknader og opprykk.

Rune Haugsdal  
fylkesrådmann

Ingrid Kristine Holm Svendsen  
fylkesdirektør

*Saksframlegget er godkjent elektronisk og har difor inga handskriven underskrift*

Vedlegg: Søknad frå Alfred Bjørlo

## Saksutgreiing

Bakgrunn for saka

Gunhild Berge Stang vart i sak PS 31/20 i fylkestinget 12. mai innvilga midlertidig fritak frå alle sine verv som folkevald i Vestland fylkeskommune. Fritaket gjeld så lenge ho er statssekretær.

Som følgje av dette har Alfred Bjørlo rykka opp som fast møtande medlem i fylkesutvalet, finansutvalet, planutvalet og fylkesvalstyret.

Bjørlo har ved e-post datert 2. juni 2020 bede om fritak frå sitt verv som medlem/nestleiar i hovudutval for kultur, idrett og integrering.

Bjørlo grunngjev sin søknad med hans samla arbeidsbelastning med folkevalde verv i kommune og fylke. Bjørlo viser i tillegg til gjeldande prinsipp om at medlemmer i fylkesutvalet ikkje skal vere leiar/nestleiar i faste utval. Bjørlo ber om midlertidig fritak så lenge Berge Stang er statssekretær/har midlertidig fritak.

Bjørlo ber på vegner av Venstre samstundes om at det vert gjort suppleringsval av varalister til fleire folkevalde organ.

Vedtakskompetanse

Fylkestinget gjer vedtak, jf. reglement for fylkestinget punkt 2.4.6.

Vurderingar og verknader

**Økonomi:** Ikkje relevant

**Klima:** Ikkje relevant

**Folkehelse:** Ikkje relevant

**Regional planstrategi:** Ikkje relevant

Søknad om midlertidig fritak

Av kommunelova § 7-9 følgjer:

«Hvis en folkevalgt ikke kan ivareta vervet sitt uten at det fører til vesentlig ulempe for han eller henne, kan kommunestyret eller fylkestinget etter søknad frita den folkevalgte for vervet midlertidig eller for resten av valgperioden. Når søknaden vurderes, skal det legges vekt på om grunnlaget for søknaden var kjent på det tidspunktet da den folkevalgte samtykket i å bli valgt.»

Av førearbeida (Prop. 46 L (2017-2018) er om vurderinga sagt at det ikkje skal vere kurant å få fritak. Vidare at vurderinga først og fremst gjeld tilhøve knytt til den folkevalde si helsetilstand, arbeidshøve, familiehøve og andre sterke velferdsgrunnar.

I Vestland fylkeskommune møter Bjørlo no som fast medlem i fylkestinget, valnemnda, fylkesutvalet, planutvalet, finansutvalet og fylkesvalstyret. Bjørlo er møter og som medlem/nestleiar i hovudutval for kultur, idrett og integrering. I tillegg til dei folkevalde verva i Vestland fylkeskommune, er Bjørlo ordførar i Stad kommune.

I saksframlegg for fylkestinget 15. oktober 2019, sak PS 8/19, heiter det om val av medlemmer til hovudutvala:

«Alle medlemene i fylkesutvalet, med unntak av fylkesordførar og fylkesvaraordførarar skal og vere medlem i eit hovudutval. Medlem i hovudutval som og sitt i fylkesutvalet kan ikkje bli vald som leiar av utvalet.»

I forskrift for økonomisk godtgjersle og arbeidsvilkår for folkevalde i Vestland fylkeskommune følgjer av § 2-5 (2):

«Som fylkesutvalsmedlem vert ein frikjøpt med grunnlag i 50 % av berekningsgrunnlaget. Funksjonen som fylkesutvalsmedlem inneber at ein og sit i eit hovudutval. Godtgjersla som

fylkesutvalsmedlem skal òg dekke rolla som hovudutvalsmedlem. Fylkesutvalsmedlemene får difor ikkje fast godtgjersle som hovudutvalsmedlem, møtegodtgjersle eller vederlag for tapt arbeidsinntekt for møte i hovudutvala. Viss ein vert nestleiar i eit hovudutval får ein ei ytterlegare godtgjersle på 5 % av grunnlaget.»

Ei eventuell innvilging av fritak i dette høve, vil ikkje vere i tråd med prinsippet i Vestland fylkeskommune om at fylkesutvalsmedlem òg skal vere medlem i eit hovudutval. Fylkesrådmannen finn likevel at vilkåret for å innvilge fritak etter kommunelova § 7-9 er oppfylt, ut i frå ei vurdering av Bjørlo si totale arbeidsbelastning. For ordens skuld slår fylkesrådmannen fast at opprykk i Berge Stang sitt fråvær ikkje var kjent for Bjørlo då han stilte til val. Fylkesrådmannen vil rå til at Bjørlo vert innvilga fritak frå sitt verv som medlem/nestleiar i hovudutval for kultur, idrett og integrering så lenge Berge Stang har fritak frå sine verv.

#### Suppleringsval

Om suppleringsval heiter det i kommunelova § 7-10 (6):

«Hvis antallet varamedlemmer eller en gruppes varamedlemmer til formannskapet, fylkesutvalget eller et annet folkevalgt organ som er valgt av kommunestyret eller fylkestinget, er blitt for lavt, kan kommunestyret eller fylkestinget selv velge ett eller flere faste eller midlertidige varamedlemmer.»

Og vidare i kommunelova § 7-10 (7):

«Ved .. suppleringsvalg etter sjette ledd kan gruppen selv foreslå hvem som skal velges. Gruppen informerer deretter kommunestyret, formannskapet, fylkestinget eller fylkesutvalget, som velger den foreslåtte kandidaten hvis de lovbestemte vilkårene er oppfylt. ... Ved suppleringsvalg etter sjette ledd skal det nyvalgte varamedlemmet plasseres nederst på listen over varamedlemmer.»

Fylkesrådmannen finn at vilkåra for å velje nye faste eller midlertidige varamedlem er oppfylt. I og med at det er midlertidige fritak som er bakgrunn for trongen for nye varamedlemmer, vil fylkesrådmannen rå til at varamedlemene vert vald midlertidig med same varigheit som fritakssøknad for Berge Stang og Bjørlo.

Bjørlo har på vegner av Venstre foreslått slike suppleringsval:

Ny 3. vara til fylkesutvalet, finansutvalet, planutvalet og fylkesvalstyret: Geir Kjell Andersland  
Ny 3. vara til hovudutval for næring, naturressursar og innovasjon: Åsta Årøen  
Ny 3. vara til hovudutval for kultur, idrett og integrering: Torstein Tvinnereim

Med desse suppleringsvala vert ikkje kjønnsfordelinga på varalistene endra i noko utval.

#### Konklusjon

Fylkesrådmannen finn at vilkåra for å innvilge midlertidig fritak er innvilga. Fylkesrådmannen rår til at det vert vald midlertidige varamedlemmer i tråd med forslaget frå Bjørlo.